

校正
音訓

新刻文選正文

七



新刻文選正文音訓卷之七

門人 高田昭義校

詩類

古詩十九首 五言

行行重行行與君生別離相去萬餘里各在天一涯道路阻
 且長會面安可知胡馬依北風越鳥巢南枝相去日已遠衣
 帶日已緩浮雲蔽白日游子不顧返思君令人老歲月忽已
 晚棄捐勿復道努力加餐飯青青河畔草鬱鬱園中柳盈盈
 樓上女皎皎當窻牖娥娥紅粉粧纖纖出素手昔為娼家女
 今為蕩子婦蕩子行不歸空牀難獨守青青陵上栢磊磊澗
 中石人生天地間忽如遠行客斗酒相娛樂聊厚不為薄驅
 車策駑馬遊戲宛與洛洛中何鬱鬱冠帶自相索長衢羅夾
 巷王侯多第宅兩宮遙相望雙闕白餘尺極宴娛心意戚戚

涯音宜方也畔也

顧念也

鬱鬱茂盛也

盈盈不得志貌

娥娥美貌

纖纖細貌

磊磊石象石也音疊

落落很切

索所格切

戚戚憂思也

軻音坎與轆同
軻苦賀反

借痛也

軻鳥格反音殊
漸生進貌

何所迫。今日良宴會。歡樂難具陳。彈箏奮逸響。新聲妙入神。
令德唱高言。識曲聽其真。齊心同所願。含意俱未申。人生寄
一世。奄忽若飈塵。何不策高足。先據要路津。無為守窮賤。軻
軻長苦辛。西北有高樓。上與浮雲齊。交疏結綺窗。阿閣三重
階。上有絃歌聲。音響一何悲。誰能為此曲。無乃杞梁妻。清商
隨風發。中曲正徘徊。一彈再再歎。慷慨有餘哀。不惜歌者苦。
但傷知音稀。願為雙鳴鶴。奮翅起高飛。涉江采芙蓉。蘭澤多
芳草。采之欲遺誰。所思在遠道。還顧望舊鄉。長路漫漫浩浩。同
心而離居。憂傷以終老。明月皎夜光。促織鳴東壁。玉衡指孟
冬。眾星何歷歷。白露沾野草。時節忽復易。秋蟬鳴樹間。玄鳥
逝安適。昔我同門友。高舉振六翮。不念攜手好。棄我如遺跡。
南箕北有斗。牽牛不負軻。良無磐石固。虛名復何益。冉冉孤

萎落也

擢舉也

盈盈端麗貌
脈莫白反音麥
茫茫廣遠也

萋盛兒

生竹。結根泰山阿。與君為新婚。兔絲附女蘿。兔絲生有時。夫
婦會有宜。千里遠結婚。悠悠隔山陂。思君令人老。軒車來何
遲。傷彼蕙蘭花。含英揚光輝。過時而不采。將隨秋草萎。君亮
執高節。賤妾亦何為。庭中有奇樹。綠葉發華滋。攀條折其榮。
將以遺所思。馨香盈懷袖。路遠莫致之。此物何足貴。但感別
經時。迢迢牽牛星。皎皎河漢女。織織擢素手。札札弄機杼。終
日不成章。泣涕零如雨。河漢清且淺。相去復幾許。盈盈一水
間。脈脈不得語。迴車駕。言邁悠悠涉長道。四顧何茫茫。東風
搖白草。所遇無故物。焉得不速老。盛衰各有時。立身苦不早。
人生非金石。豈能長壽考。奄忽隨物化。榮名以為寶。東城高
且長。逶迤自相屬。迴風動地起。秋草萋已綠。四時更變化。歲
暮一何速。晨風懷苦心。蟋蟀傷局促。蕩滌放情志。何為自結

香查幽暗也浩浩流兒

悞五故切與誤同

茲年也
蟻音曼姑音孤

束燕趙多佳人。美者顏如玉。被服羅裳衣。當戶理清曲。音響
一何悲。絃急知柱促。馳情整巾帶。沈吟聊躑躅。思為雙飛燕。
銜泥巢君屋。驅車上東門。遙望郭北墓。白楊何蕭蕭。松柏夾
廣路。下有陳死人。杳杳即長暮。潛寐黃泉下。千載永不寤。浩
浩陰陽移。年命如朝露。人生忽如寄。壽無金石固。萬歲更相
送。賢聖莫能度。服食求神仙。多為藥所悞。不如飲美酒。被服
紈與素。去者日以疎。生者日以親。出郭門直視。但見丘與墳。
古墓犁為田。松柏摧為薪。白楊多悲風。蕭蕭愁殺人。思還故
里閭。欲歸道無因。生年不滿百。常懷千歲憂。晝短苦夜長。何
不秉燭遊。為樂當及時。何能待來茲。愚者愛惜費。但為後世
嗤。仙人王子喬。難可與等期。凜凜歲云暮。螻蛄夕鳴悲。涼風
率已厲。游子寒無衣。錦衾遺洛浦。同袍與我違。獨宿累長夜。

亮信也

瞻望也

慄方失反

爾詞之終也
著張慮切充之以
繁也

夢想見容輝。良人惟古懽。枉駕惠前綬。願得常巧笑。携手同
車歸。既來不須臾。又不處重闈。亮無晨風翼。焉能凌風飛。眇
眇以適意。引領遙相睎。徙倚懷感傷。垂涕霑雙扉。孟冬寒氣
至。北風何慘慄。愁多知夜長。仰觀衆星列。三五明月滿。四五
蟾兔缺。客從遠方來。遺我一書札。上言長相思。下言久離別。
置書懷袖中。三歲字不滅。一心抱區區。懼君不識察。客從遠
方來。遺我一端綺。相去萬餘里。故人心尚爾。文綵雙鴛鴦。裁
為合歡被。著以長相思。緣以結不解。以膠投漆中。誰能別離
此。明月何皎皎。照我羅牀帷。憂愁不能寐。攬衣起徘徊。客行
雖云樂。不如早旋歸。出戶獨徬徨。愁思當告誰。引領還入房。
淚下霑裳衣。

與蘇武詩三首

李陵

屏營志恐懼也

晨風早風也

良時不再至。離別在須臾。屏營衢路側。執手野踟躕。仰視浮雲馳。奄忽互相踰。風波一失所。各在天一隅。長當從此別。且復立斯須。欲因晨風發。送子以賤軀。

嘉會難再遇。三載為千秋。臨河濯長纒。念子悵悠悠。遠望悲風至。對酒不能酬。行人懷往路。何以慰我愁。獨有盈觴酒。與子結綢繆。

攜手上河梁。游子暮何之。徘徊路側。悵悵不能辭。行人難久留。各言長相思。安知非日月。弦望自有時。努力崇明德。皓首以為期。

皓與顛古字通白首兒

詩四首

蘇武

骨肉緣枝葉。結交亦相因。四海皆兄弟。誰為行路人。况我連枝樹。與子同一身。昔為鴛與鴦。今為參與辰。昔者常相近。邈

若胡與秦。惟念當離別。恩情日以新。鹿鳴思野草。可以喻嘉賓。我有一樽酒。欲以贈遠人。願子留斟酌。叙此平生親。

黃鵠一遠別。千里顧徘徊。胡馬失其羣。思心常依依。何況雙飛龍。羽翼臨當舉。幸有絃歌曲。可以喻中懷。請為游子吟。泠泠一何悲。絲竹厲清聲。慷慨有餘哀。長歌正激烈。中心愴以摧。欲展清商曲。念子不能歸。俛仰內傷心。淚下不可揮。願為雙黃鵠。送子俱遠飛。

揮者也又振也

其辛也

結髮為夫妻。恩愛兩不疑。歡娛在今夕。嬾婉及良時。征夫懷往路。起視夜何其。參辰皆已沒。去去從此辭。行役在戰場。相見未有期。握手一長歎。淚為生別滋。努力愛春花。莫忘歡樂時。生當復來歸。死當長相思。

燭燭晨明月。馥馥我蘭芳。芬馨良夜發。隨風聞我堂。征夫懷

遠路遊子戀故鄉。寒冬十一月晨起。踐嚴霜。俯觀江漢流。仰視浮雲翔。良友遠離別。各在天一方。山海隔中州。相去悠且長。嘉會難兩遇。歡樂殊未央。願君崇令德。隨時愛景光。

四愁詩四首 七言并序

張衡

張衡不樂久處機密。陽嘉中出為河間相。時國王驕奢不遵法度。又多豪右并兼之家。衡下車治威嚴。能內察屬縣。姦猾行巧劫。皆密知名。下吏收捕。盡服擒。諸豪俠游客悉惶懼。逃出境。郡中大治。爭訟息。獄無繫囚。時天下漸弊。鬱鬱不得志。為四愁詩。屈原以美人為君子。以珍寶為仁義。以水深雪雰為小人。思以道術相報。貽於時君。而懼讒邪。不得以通其辭。曰

一思曰我所思兮在太山。欲往從之梁父艱。側身東望涕霑

翰平聲。筆也。又衣襟也。

翰。美人贈我金錯刀。何以報之英瓊瑤。路遠莫致倚道遙。何為懷憂心煩勞。

二思曰我所思兮在桂林。欲往從之湘水深。側身南望涕霑襟。美人贈我金琅玕。何以報之雙玉盤。路遠莫致倚惆悵。何為懷憂心煩傷。

三思曰我所思兮在漢陽。欲往從之隴阪長。側身西望涕霑裳。美人贈我貂襜褕。何以報之明月珠。路遠莫致倚踟躕。何為懷憂心煩紆。

四思曰我所思兮在鴈門。欲往從之雪紛紛。側身北望涕霑巾。美人贈我錦繡段。何以報之青玉案。路遠莫致倚增歎。何為懷憂心煩惋。

雜詩 五言

丹榮花也

日暮於西園，冀寫憂思情。曲池揚素波，列樹敷丹榮。上有特棲鳥，懷春向我鳴。褰袞欲從之，路險不得征。徘徊不能去，佇立望爾形。風飈揚塵起，白日忽已冥。迴身入空房，託夢通精誠。人欲天不違，何懼不合并。

雜詩

劉楨

回回心亂兒

蕭蕭飛兒
瀾去聲協韻

職事煩填委，文墨紛消散。馳翰未暇食，日昃不知晏。沈迷簿領書，回回自昏亂。釋此出西城，登高且游觀。方塘含白水，中有鳧與鴈。安得蕭蕭羽，從爾浮波瀾。

雜詩二首

魏文帝

漫漫秋夜長，烈烈北風涼。展轉不能寐，披衣起徬徨。徬徨忽已久，白露沾我裳。俯視清水波，仰看明月光。天漢迴西流，三五正從橫。草蟲鳴何悲，孤鴈獨南翔。鬱鬱多愁思，絲絲思故鄉。

亭亭高兒

鄉願飛安得，翼欲濟河無。梁向風長歎，息斷絕我中腸。西北有浮雲，亭亭如車蓋。惜哉時不遇，適與飄風會。吹我東南行，行行至吳會。吳會非我鄉，安能久畱滯。棄置勿復陳，客子常畏人。

朔風詩四言

曹植

仰彼朔風，用懷魏都。願騁代馬，倏忽北徂。凱風永至，思彼蠻方。願隨越鳥，翻飛南翔。四氣代謝，懸景運周。別如俯仰，脫若三秋。昔我初遷，朱華未希。今我旋止，素雪云飛。俯降千仞，仰登天阻。風飄蓬飛，載離寒暑。千仞易陟，天阻可越。昔我同袍，今永乖別。子好芳草，豈忘爾貽。繁華將茂，秋霜悴之。君不垂眷，豈云其誠。秋蘭可喻，桂樹冬榮。絃歌蕩思，誰與銷憂。臨川暮思，何為泛舟。豈無和樂，游非我鄰。誰忘泛舟，愧無榜人。

脫猶忽也

垂與稀古字通

悴傷也

豈董也

榜班孟反

雜詩六首 五言

曹植

翹舉也

高臺多悲風。朝日照北林。之子在萬里。江湖迥且深。方舟安可極。離思故難任。孤鴈飛南遊。過庭長哀吟。翹思慕遠人。願欲託遺音。形影忽不見。翩翩傷我心。

國與齊同

轉蓬離本根。飄颻隨長風。何意迴飈舉。吹我入雲中。高高上無極。天路安可窮。類此游客子。捐軀遠從戎。毛褐不掩形。薇藿常不充。去去莫復道。沈憂令人老。

編古老切。緒之精者。

西北有織婦。綺縞何繽紛。明晨秉機杼。日昃不成文。太息終長夜。悲嘯入青雲。妾身守空閨。良人行從軍。自期三年歸。今已歷九春。飛鳥繞樹翔。嗷嗷鳴索羣。願為南流景。馳光見我君。

嗷音叫

南國有佳人。容華若桃李。朝游江北岸。夕宿瀟湘浦。時俗薄

嚴戒也。整也。

朱顏誰為發。皓齒俛仰歲。將暮榮耀難。久恃

僕夫早嚴駕。吾將遠行游。遠游欲何之。吳國為我仇。將騁萬里塗。東路安足由。江介多悲風。淮泗馳急流。願欲一輕濟。惜哉無方舟。閑居非吾志。甘心赴國憂。

媮音偷。又音俞。樂也。

悲心小人媮。自閑國。雙亮不塞。甘心喪元。拊劍西南望。思欲赴泰山。絃急悲聲發。聆我慷慨言。

聆聽也

情詩

曹植

微陰翳陽景。清風飄我衣。游魚潛綠水。翔鳥薄天飛。眇眇客行士。遙役不得歸。始出嚴霜結。今來白露晞。游子歎黍離。處者歌式微。慷慨對嘉賓。悽愴內傷悲。

雜詩 四言

嵇康

扇動也

微風清扇。雲氣四除。皎皎亮月。麗于高隅。興命公子。携手同車。龍驤翼翼。揚鑣踟躕。蕭蕭宵征。造我友廬。光燈吐輝。華幔長舒。鸞觴酌醴。神鼎烹魚。絃超于野。歎過綿駒。流詠太素。俯讚玄虛。孰克英賢。與爾剖符。

雜詩 五言

傅玄

志士惜日短。愁人知夜長。攝衣步前庭。仰觀南鴈翔。玄景隨形運。流響歸空房。清風何飄颻。微月出西方。繁星依青大。列宿自成行。蟬鳴高樹間。野鳥號東廂。纖雲時髣髴。渥露沾我裳。良時無停景。北斗忽低昂。常恐寒節至。凝氣結為霜。落葉隨風摧。絕如流光。

雜詩

張華

晷度隨天運。四時互相承。東壁正昏中。固陰寒節外。繁霜降

屋濃也

遙長也。昔夜也。崇興也。替廢也。

當夕。悲風中夜興。朱火青無光。蘭膏坐自凝。重衾無暖氣。挾纊如懷冰。伏枕終遙昔。寤言莫予應。永思慮崇替。慨然獨撫膺。

情詩二首

張華

清風動帷簾。晨月照幽房。佳人處遐遠。蘭室無容光。襟懷擁虛景。輕衾覆空牀。居歡渴夜促。在感怨宵長。拍枕獨嘯歎。感慨心內傷。游目四野外。逍遙獨延佇。蘭蕙緣清渠。繁華陰綠渚。佳人在茲。取此欲誰與。巢居知風寒。穴處識陰雨。不曾遠別離。安知慕儔侶。

園葵詩

陸機

種葵北園中。葵生鬱萋萋。朝榮東北傾。夕穎西南晞。零露垂

惕。善蓋切會也。

鮮澤朗月耀其輝時逝柔風戢歲暮商飈飛曾雲無溫液嚴霜有凝威幸蒙高墉德玄景陰素黹豐條並春盛落葉後秋衰慶彼晚彫福忘此孤生悲

思友人詩

曹攄

攄五居切

淹英廉切清也

密雲翳陽景霖潦淹庭除嚴霜彫翠草寒風振纖枯凜凜天氣清落落卉木疎感時歌蟋蟀思賢詠白駒情隨玄陰滯心與迴飈俱思心何所懷懷我歐陽子精義測神奧清機發妙理自我別旬朔微言絕于耳褰裳不足難清揚未可俟延首出階檐佇立增想似

感舊詩一首

曹攄

長風飄也

富貴他人合貧賤親戚離廟閭門易軌田竇相奪移晨風集茂林棲鳥去枯枝今我唯困蒙郡士所背馳鄉人敦懿義濟

濟陰光儀對賓頌有客舉觴詠露斯臨樂何所歎素絲與路岐

雜詩

何劭

秋風乘夕起明月照高樹閑房來清氣廣庭發暉素靜寂愴然歎惆悵出游顧仰視垣上草俯察階下露心虛體自輕飄飄若仙步瞻彼陵上栢想與神人遇道深難可期精微非所慕勒思終遙夕永言寫情慮

雜詩

上讚

胡何也寧安也

朔風動秋草邊馬有歸心胡寧久分析靡靡忽至今上事離我志殊隔過商參昔往鶴鷓鳴今來蟋蟀吟人情懷舊鄉客鳥思故林師涓久不奏誰宣我心

雜詩

東據

涓古懸切

吳寇未殄滅。亂象侵邊疆。天子命上宰。作蕃漢陽關。國建元士玉帛聘。賢良予非荆山璞。登和氏場。質服虎文燕。翼假鳳翮。既懼非所任。怨彼南路長。千里既悠邈。路次限關梁。僕大罷遠涉。車馬困山岡。深谷下無底。高巖聳穹蒼。豐草停滋潤。霧露沾衣裳。玄林結陰氣。不風自寒涼。顧瞻情感切。惻愴心哀傷。士生則懸弧。有事在四方。安得恒逍遙。端坐守閨房。引義割外情。內感實難忘。

雜詩

左思

秋風何冽冽。白露為朝霜。柔條日夕勁。綠葉日夜黃。明月出雲崖。嗷嗷流素光。披軒臨前庭。嗷嗷晨鴈翔。高志局四海。塊然守空堂。壯齒不恒居。歲暮常慨慷。

雜詩

張翰

總集也
頸猶止也

暮春和氣應。白日照園林。鳥啼若總翠。黃華如散金。嘉卉亮有觀。顧此難久耽。延頸無良塗。頓足託幽深。榮與壯俱去。賤與老相尋。歡樂不照顏。慘愴發謳吟。謳吟何嗟及。占人可慰心。

雜詩十首

張協

易洗也。蟬音精。頰音列。

秋夜涼風起。清氣蕩暄濁。蜻蛚吟階下。飛蛾拂明燭。君子從遠役。佳人守梵獨。離居幾何時。鑽燧忽改木。房櫳無行跡。庭草萋以綠。青苔依空墻。蜘蛛網四屋。感物多所懷。沈憂結心曲。

扇動也
鬢直立及蕭縮也

大火流坤維。白日馳西陸。浮陽映翠林。迴歎扇綠竹。飛雨灑朝蘭。輕露棲叢菊。龍蟄暄氣凝。天高萬物肅。弱條不重結。芳蕤豈再馥。人生瀛海內。忽如鳥過目。川上之歎逝。前修以自

最

金風扇素節。丹霞啓陰期。騰雲似涌煙。密雨如散絲。寒花發
黃米。秋草含綠滋。閑居玩萬物。離羣戀所思。索無蕭氏牘。庭
無貢公祭。高尚遺王侯。道積自成基。至人不嬰物。餘風足染
時。

蔡音其行跡也
基本也

朝霞迎白日。丹氣臨陽谷。翳翳結繁雲。森森散雨足。輕風摧
勁草。凝霜竦高木。密葉日攸疎。叢林森如束。疇昔歎時遲。晚
節悲年促。歲暮懷白憂。將從李主卜。

祝斷也

昔我資章甫。聊以適諸越。行行入幽荒。甌駝從祝髮。窮年非
所用。此貨將安設。甌瓠今與璠。魚目笑明月。不見郢中歌。能
否居然別。陽春無和者。巴人皆下節。流俗多昏迷。此理誰能
察。

甌音零。祝音的。與
音余。璠音煩

朝登魯陽關。狹路峭且。澗萬餘丈。圍木數千尋。咆虎響

峭峻也
咆嗥也

窮山。鳴鶴聒空林。淒風爲我嘯。白籟坐自吟。感物多思情。在
險易常心。竭來戒不虞。挺轡越飛岑。王陽驅九折。周文走岑
峯。經阻貴勿遲。此理著來今。

峯音吟

此鄉非吾地。此郭非吾城。羈旅無定心。翩翩如懸旌。出覩軍
馬陣。入聞鞞鼓聲。常懼羽檄飛。神武一朝征。長鈇鳴鞘中。烽
火列邊亭。捨我衡門衣。更被縵胡纓。疇昔懷微志。帷幕竊所
經。何必操干戈。堂上有奇兵。折衝樽俎間。制勝在兩楹。巧遲
不足稱。拙速乃垂名。述職投邊城。羈束戎旅間。下車如昨日。
望舒四五圓。借問此何時。胡蝶飛南園。流波戀舊浦。行雲思
故山。閩越衣文蛇。胡馬願度燕。土風安所習。由來有固然。
結宇窮岡曲。耦耕幽藪陰。荒庭寂以閑。幽岫峭且深。淒風起

滄音奄雲與兌

東谷有滄興南岑雖無箕畢期膚寸自成霖
澤雉登壘確寒援擁條吟磳壑無人跡
荒楚鬱蕭森投耒循岸垂時聞樵采音
重基可擬志迴淵可比心養真尚無爲
道勝貴陸沈游思竹素園寄辭翰墨林

蟬音麗蛇也

割害也醜都念切
溺也園音父

墨蟬躍重淵商羊僂野庭飛廉應南箕
豐隆迎號屏雲根臨八極雨足灑四溟
霖瀝過一旬散漫亞九齡階下伏泉涌
堂上水衣生洪潦浩方割人懷昏墊情
沈液漱陳根綠葉腐秋莖里無曲突煙
路無行輪聲環堵自頽毀垣間不隱形
尺燼重尋桂紅粒貴瑤瓊君子守固窮
在約不爽貞雖榮由方贈慚爲溝壑名
取志於陵子比足黔婁生

於音烏

時興詩

盧諶

響響圓象運悠悠方儀
忽歲云暮游原采蕭藿北踰邱

響音尾

撼所隔反

與河南臨伊與洛凝雷
更草悲風振林薄撼撼芳葉零
榮芬華落下泉激冽清曠野增遼索
登高眺遐荒極望無崖岬形變隨時
化神感因物作澹乎至人心恬然存
玄漠

岬丑各反

雜詩二首

陶潛

結構也

結廬在人境而無車馬喧問君何能爾
心遠地自偏采菊東籬下悠然望南山
山氣日夕佳飛鳥相與還此還有真意
欲辯已忘言

憂於劫及忘憂物
酒也

秋菊有佳色裛露掇其英泛此忘憂物
遠我達世情一觴雖獨進杯盡壺自傾
日入羣動息歸鳥趨林鳴嘯傲東軒下
聊復得此生

詠貧士

陶潛

萬族各有託孤雲獨無依曖曖虛中滅
何時見餘輝朝霞開

苟且也

宿霧衆鳥相與飛遲遲出林翻未夕復來歸量力守故轍豈不寒與飢知音苟不存已矣何所悲

讀山海經

陶潛

願少也

孟夏草木長繞屋樹扶疎衆鳥欣有託吾亦愛吾廬既耕亦已種且還讀我書窮巷隔深轍頗迴故人車歡言酌春酒摘我園中蔬微雨從東來好風與之俱泛覽周王傳流觀山海圖俛仰終宇宙不樂復何如

七月七日夜詠牛女

謝惠連

折先歷切躑音牒
瞬音舜驪力帝反
視也
望踴也
幹鳥括切隳音琮
樂也

落日隱欄楹升月照簾櫳團團滿葉露析析振條風蹀足循廣除瞬目曬曾穹雲漢有靈匹彌年闕相從遐川阻昵愛修渚曠清容弄杼不成藻登鸞驚前蹤昔離秋已兩今聚夕無雙傾河易迴幹款情難

顧華寢遙心逐奔龍沈

爾感情深意彌重

擣衣

謝惠連

韻子良反
砧猪金切
笥音四國苦類反
緘古咸反

衡紀無淹度晷運倏如催白露滋園菊秋風落庭槐蕭蕭莎雞羽烈烈寒蟬啼夕陰結空幕宵月皓中閨美人成裳服端飾相招携簪玉出北房鳴金步南階欄高砧響發楹長杵聲哀微芳起兩袖輕汗洙雙題紈素既已成君子行未歸裁用笥中刀縫爲萬里衣盈篋自余手幽緘候君開腰帶准疇昔不知今是非

南樓中望所遲客

謝靈運

適歸也適所意也
駸苦圭反

杳杳日西頽漫漫長路迫登樓爲誰思臨江遲來客與我別所期期在三五夕圓景早已滿佳人殊未適卽事怨駸駸感物方悽戚孟夏非長夜晦明如歲隔瑤華未堪折蘭若已屢

折先歷切

摘路阻莫贈問云何慰離析搔首訪行人引領冀良覲

援衛也

田南樹園激流植援

謝靈運

樵隱俱在山由來事不同不同非一事養痾亦園中園中屏
氛雜清曠招遠風卜室倚北阜啓扉面南江激澗代汲井挿
槿當列壙羣木既羅戶衆山亦當窻靡迤趨下田迢遞瞰高
峯寡欲不期勞即事罕人功唯開蔣生徑永懷求羊蹤賞心
不可忘妙善冀能同

齋中讀書

謝靈運

昔余遊京華未嘗廢丘壑矧乃歸山川心跡雙寂寞虛館絕
諍訟空庭來鳥雀以疾豐暇豫翰墨時閒作懷抱觀古今寢
食展戲謔既笑沮溺苦又哂子雲閣執戟亦以疲耕稼豈云
樂萬事難並歡達生幸可托

晒笑也

石門新營所住四面高山迴溪石瀨茂林修竹

謝靈運

躋險築幽居披雲臥石門苔滑誰能步葛弱豈可捫嫋嫋秋
風過萋萋春草繁美人遊不還佳期何由敦芳塵凝瑤席清
醕滿金樽洞庭空波瀾桂枝徒攀翻結念屬霄漢孤景莫與
援俯濯石下潭仰看條上援早聞夕飈急晚見朝日暎崖傾
光難留林深響易奔感往慮有復理來情無存庶特乘日用
得以慰營魂匪為衆人說冀與智者論

雜詩

王微

思婦臨高臺長想憑華軒弄絃不成曲哀歌送苦言箕箒留
江介良人處鴈門詎憶無衣苦但知狐白溫日暗牛羊下野
雀滿空園子夏寒風起東壁正中昏朱火獨照人抱景自愁

捫持也攀也
弱反了反

謖音喧
嗽土論反

怨誰知心曲亂所思不可論

數詩

鮑昭

一身仕關西。家族滿山東。一年從車駕。齋祭甘泉宮。一朝國
慶畢。休沐還舊邦。四牡曜長路。輕蓋若飛鴻。五侯相餞送。高
會集新豐。六樂陳廣坐。組帳揚春風。七盤起長袖。庭下列歌
鐘。八珍盈彫俎。綺肴分錯重。九族共瞻遲。賓友仰徽容。十載
學無就。善宦一朝通。

遲待也

翫月城西門解中

鮑昭

始出西南樓。纖纖如玉鈎。未映東北墀。娟娟似蛾眉。蛾眉蔽
珠櫳。玉鈎隔瑣牕。二五二八時。千里與君同。夜移衡漢落。徘徊
惟戶中。歸華先委露。別葉早辭風。客遊厭苦辛。仕子倦飄
塵。休澣自公日。宴慰及私辰。蜀琴抽白雪。郢曲發陽春。肴乾

委弄也。又著也

缺終也

酒未釂。金壺啟夕淪。迴軒駐輕蓋。留酌待情人。

始出尚書省

謝朓

惟思也
軼音大徒計切
酒音洗
祭音啓
祀且禮反
虞與娛通

惟昔逢休明。上載朝雲陛。既通金蘭籍。復酌瓊筵醴。宸景厭
照臨。昏風淪繼體。紛虹亂朝日。濁河穢清濟。防貝猶竟政。餐
荼更如薺。英袞暢人謀。文明固天啓。青精翼紫軼。黃旗映朱
邸。還視司隸章。復見東都禮。中區咸已泰。輕生諒昭泗。趨事
辭宮闕。載筆陪旌棨。邑里向疏蕪。寒流自清泚。衰柳尚沈沈。
凝露方泥泥。零落悲友朋。歡虞讌兄弟。既秉丹石心。寧流素
絲涕。乘此終蕭散。垂竿深澗底。

直中書省

謝朓

紫殿肅陰陰。彤庭赫弘敞。風動萬年枝。日華承露掌。玲瓏結
綺錢。深沉映朱網。紅藥當階翻。蒼苔依砌上。茲言翔鳳池。鳴

翻亂也

駘徒改反

珮多清響。信美非吾室。中園思偃仰。朋情以鬱陶。春物方駘蕩。安得凌風翰。聊恣山泉賞。

觀朝雨

謝朓

朔風吹飛雨。蕭條江上來。既灑百常觀。復集九成臺。空濛如薄霧。散漫似輕埃。平明振衣坐。重門猶未開。耳日暫無擾。懷古信悠哉。戢翼希驤首。來流畏曝鰓。動息無兼遂。岐路多徘徊。方同戰勝者。去翦北山萊。

郡內登望

謝朓

借問下車日。匪直望舒圓。寒城一以眺。平楚正蒼然。山積陵陽阻。溪流春穀泉。威紆距遙甸。嶮岳帶遠天。切切陰風暮。桑柘起寒煙。悵望心已極。倘怳魂屢遷。結髮倦為旅。平生早事邊。誰規鼎食盛。寧要狐白鮮。方棄汝南諾。言稅遼東田。

望舒月也

倘音敞又兒壞切

和伏武昌登孫權故城

謝朓

炎靈遺劍璽。高塗駭龍戰。聖期缺中壤。霸功興寓縣。鵠起登吳山。鳳翔陵楚甸。衿帶窮巖險。帷帟盡謀選。北拒羽驂鏢。西龕收組練。江海既無波。俯仰流英盼。表冕類禋郊。揆崇離殿。鈞臺臨講閣。樊山開廣讌。文物共葳蕤。聲明日蔥蒨。三光厭分景。書軌欲同薦。參差世祀忽。寂寞市朝變。舞館識餘基。歌梁想遺轉。故林衰木平。荒池秋草徧。雄圖悵若茲。茂宰深遐睠。幽客滯江臯。從賞乖纓弁。清卮阻獻酬。良書限聞見。幸籍芳音多。承風采餘絢。于役儻有期。鄂渚同游衍。

和王著作八公山詩

謝朓

二別阻漢坻。雙嶺望河澳。茲嶺復嶢峴。分區奠淮服。東限琅邪臺。西距孟諸陸。仄眠起雜樹。檀欒蔭修竹。日隱澗疑空。雲

當與字同

龕音堪與戡同勝也

舊倉田反

茲此也

砥直尼切澳於六反嶢在九反峴五九反

四余廉切音鹽
曝蒲十切

姓於佳反

聚岫如復出沒眺樓雉遠近送春日
戎州昔亂華素景淪伊
穀沾危賴宗衮微管寄明牧長蛇固能剪奔鯨自此曝道峻
芳塵流業遙年運倏平生仰令圖吁嗟命不淑浩蕩別親知
連翩戒征軸再遠館娃宮兩去河陽谷風煙四時犯霜雨朝
夜沐春秀良已凋秋場庶能築

和徐都曹

謝朓

通遠也職音闕視

周西也市也

宛洛佳遨遊春色滿皇州結軫青郊路迴瞰蒼江流日華川
上動風光草際浮桃李成蹊徑桑榆蔭道周東都已儼載言
歸望綠疇

和王主簿怨情

謝朓

除式車切緩也

掖庭聘絕國長門失歡宴相逢詠靡蕪辭寵寵班扇花叢亂
數蝶風簾入雙燕徒使春帶賒坐惜紅裝變平生一顧重宿

昔千金賤故人心尚爾故心人不見

和謝宣城

沈約

王喬飛鳧鳥東方金馬門從官非官俗避世不避喧揆余發
皇鑿短翮屢飛翮晨趨游建禮晚沐臥郊園賓至下塵榻曼
來命綠罇昔賢侑時雨今守馥蘭蓀神交疲夢寐路遠隔思
存牽拙謬東汜浮情及西崑顧循良菲薄何以儼瓊璫將隨
渤澥去刷羽汎清源

應王中丞思遠詠月

沈約

月華臨靜夜夜靜滅氛埃方暉竟戶入圓影隙中來高樓切
思婦西園游上才網軒映朱綬應門照綠苔洞房殊未曉清
光信悠哉

冬節後至丞相第詣世子車中作

沈約

竟盡也

刷所省切

廉公失權勢。門館有虛盈。貴賤猶如此。況乃問池平。高車塵
未滅。珠履故餘聲。賓階綠錢滿。各位紫苔生。誰當九原上。鬱
鬱望作城。

學省愁臥

沈約

秋風吹廣陌。蕭瑟入南闈。愁人掩軒臥。高窗時動扉。虛館清
陰滿。神宇曖微微。網蟲垂戶織。夕鳥傍欄飛。纓珮空為忝。江
海事多違。山中有桂樹。歲暮可言歸。

詠湖中鴈

沈約

白水滿春塘。旅鴈每迴翔。唼流牽弱藻。斂翮帶餘霜。羣浮動
輕浪。單泛逐孤光。懸飛竟不下。亂起未成行。矧羽同搖漾。一
舉還故鄉。

二月三日率爾成篇

沈約

麗日屬元巳。年芳具在斯。開化已市樹。流鶯復滿枝。洛陽繁
華子。長安輕薄兒。東出千金暖。西臨鴈鶩陂。游絲映空轉。高
楊拂地垂。綠幘文照耀。紫燕光陸離。清晨戲白水。薄暮宿蘭
池。象筵鳴寶瑟。金瓶汎羽卮。寧憶春蠶起。日暮桑欲萎。長袂
屢以拂。彫胡方自炊。愛而不可見。宿昔減容儀。且當忘情去。
歎息獨何爲。

擬古詩十一首

陸機

擬行行重行行

悠悠行邁遠。戚戚憂思深。此思亦何思。思君徽與音。微日
夜離。緬邈若飛沈。王鮪懷河岫。晨風思北林。游子眇天末。遠
期不可尋。驚飈褰反信。歸雲難寄音。佇立想萬里。沈憂萃我
心。攬衣有餘帶。循形不盈衿。去去遺情累。安處撫清琴。

堰一建反
鶯莫下反
憤音貴

長風鷓屬也
寒絕也

擬今日良宴會

閑夜命懽。及置酒迎風館。齊僮梁甫吟。秦娥張女彈。哀音繞棟宇。遺響入雲漢。四坐咸同志。羽觴不可算。高譚一何綺蔚。若朝霞爛。人生無幾何。為樂常苦宴。譬彼伺晨鳥。揚聲當及日。曷為恒憂苦。守此貧與賤。

擬迢迢牽牛星

昭昭清漢。曄曄星光。大步牽牛西北迴。織女東南顧。華容一何冶。揮手如振素。怨彼河無梁。悲此年歲暮。跋彼無良緣。皖焉不得度。引領望人川。雙涕如霑露。

擬涉江采芙蓉

上山采瓊藥。穹谷饒芳蘭。采采不盈掬。悠悠懷所歡。故鄉一何曠。山川阻且難。沈思鍾萬里。躑躅獨吟歎。

擬青青河畔草

靡靡江離草。熠熠生河側。皎皎彼姝女。阿那當軒織。粲粲妖容姿。灼灼美顏色。良人游不歸。偏棲獨隻翼。空房來悲風。中夜起歎息。

擬明月何皎皎

安寢北堂上。明月入我牖。照之有餘暉。攬之不盈手。涼風繞曲房。寒蟬鳴高柳。踟躕感節物。我行永已久。游宦會無成。離思難常守。

擬蘭若生朝陽

嘉樹生朝陽。凝霜封其條。執心守時信。歲寒終不彫。美人何其曠。灼灼在雲霄。隆想彌年月。長嘯入飛飈。引領望天末。譬彼向陽翹。

熠以入反

偏獨也

指人者切

曠遠也彌終也

擬青青陵上栢

冉冉高陵殯。羽翮隨風翰。人生當幾時。譬彼濁水瀾。戚戚多
滯念。置酒宴所歡。方駕振飛轡。遠游入長安。名都一何綺。城
闕鬱盤桓。飛閣縷虹帶。曾臺冒雲冠。高門羅北闕。甲第椒與
蘭。俠客控絕景。都人駘玉軒。遨遊放情願。慷慨為誰歎。

擬東城一何高

西山何其峻。曾曲鬱崔嵬。零露彌天墜。蕙葉憑林衰。寒暑相
因襲。時逝忽如頽。一閤結飛轡。人羣嗟落暉。曷為牽世務。中
心若有違。京洛多妖麗。玉顏侔瓊蕤。閑夜撫鳴琴。惠音清且
悲。長歌赴促節。哀響逐高徽。唱萬夫歎。再唱梁塵飛。思為
河曲鳥。雙遊豐水湄。

擬西北有高樓

高樓何峻迢迢峻。而安綺窓出塵廬。且飛陛躡雲端。佳人撫
琴瑟。纖手清且閑。芳氣隨風結。長響襲若蘭。上客誰得顧。傾
城在。彈竹立望日。足躑躅。再歎不怨佇。立久但願歌者
歡。思駕歸鴻羽。比翼雙飛翰。

擬庭中有奇樹

歡友蘭時往。迢迢匿音微。虞淵引絕景。四節逝若飛。芳草久
已茂。佳人竟不歸。躑躅遵林渚。惠風入我懷。感物戀所歡。采
此欲貽誰。

擬明月皎夜光

歲暮涼風發。昊天肅明明。招搖西北指。天漢東南傾。朗月照
閑房。蟋蟀吟戶庭。翩翩歸鴈集。嘒嘒寒蟬鳴。疇昔同宴友。翰
飛戾高冥。服美改聲聽。居愉遺舊情。織女無機杼。大梁不架

大結反

蘭香也。圍亡也。

呼桂反
戾至也

楹

擬四愁詩 七言

張載

我所思兮在營州。欲往從之。路阻修。登崖遠望。涕泗流。我之懷矣。心傷憂。佳人遺我。綠綺琴。何以贈之。雙南金。願因流波。超重深。終然莫致。增永吟。

擬古詩 五言

陶潛

日暮天無雲。春風扇微和。佳人美清夜。達曙酣且歌。歌竟長歎息。持此感人多。明明雲間月。灼灼葉中花。豈無一時好。不久當如何。

擬魏太子鄴中集八百

并序

謝靈運

建安末。余時在鄴宮。朝游夕讌。究歡愉之極。天下良辰美景。賞心樂事。四者難并。今昆弟友朋。二三諸彦。共盡之矣。古來

笑猶愛也

究盡也

此娛書籍未見何者。楚襄王時有宋玉。唐景梁孝王時有鄒枚嚴。馬遊者美矣。而其主不文。漢武帝時徐樂。諸才備應對之能。而雄猜多忌。豈獲晤言之適。不誣方將庶必賢於今日。爾歲月如流。零落將盡。撰文懷人。感往增愴。其辭曰。

魏太子

百川赴巨海。衆星環北辰。照灼爛霄漢。遙裔起長津。天地中橫潰。家王拯生民。區宇既滌蕩。羣英必來臻。忝此欽賢性。由來常懷仁。况值衆君子。傾心降日新。論物靡浮說。析理實敷陳。羅縷豈闕辭。窈窕究天人。澄觴滿金罍。連榻設華茵。急絃動飛聽。清歌拂梁塵。何言相遇易。此歡信可珍。

王祭

家本秦川貴公子。孫遭亂流寓。自傷情多。

折先曆反

泗七余反

幽厲昔崩亂桓靈今板蕩伊洛既燎煙函峒沒無像整裝辭
秦川秣馬赴楚壤沮漳自可美客心非外將常歎詩人言式
微何由往。上宰奉皇靈。侯伯咸宗長。雲騎亂漢南。宛郢皆掃
盪。排霧屬盛明。披雲對清朗。慶泰欲重疊。公子特先賞。不謂
息肩願。一旦值明兩。並載遊鄴京。方舟汎河廣。綢繆清讌娛。
寂寥梁棟響。既作長夜飲。豈顧乘日養。

陳琳

袁本初書記之士。故述喪亂事多。

皇漢逢屯遭天下。遭氛慝。董氏淪關西。袁家擁河北。單民易
周章。窘身就羈勒。豈意事乖已。永懷戀故國。相公實勤王。信
能定蝥賊。復覩東都輝。重見漢朝則。餘生幸已多。矧廼值明
德。愛客不告疲。飲讌遺景刻。夜聽極星爛。朝遊窮曠黑。哀哇

蝥音介
疲倦也遺忘也
哇鳥佳反

動梁埃。急觴盪幽默。且盡一日娛。莫知古來惑。

徐幹

少無官情有箕穎之心。事故仕世多素辭。

伊昔家臨淄。提携弄齊瑟。置酒飲膠東。淹留憩高密。此歡謂
可終。外物始難。星搖蕩箕濮。情窮年迫。憂慄木塗。幸休明棲
集。建薄質已。免負薪苦。仍游椒蘭室。清論事究。萬美話信非
一行觴。奏悲歌。永夜繫白日。華屋非蓬居。時髦豈余匹。中飲
顧昔心。恨焉若有失。

劉楨

卓犖偏人而文最有氣。所得頗經奇。

貧居晏里閤。少小長東平。河究當衝要。淪漂薄許京。廣川無
逆流。招納則羣英。北渡黎陽津。南登紀郢城。既覽古今事。頗

伊惟也

外物世事也

晏安也
薄至此
則問也

括至也揭音祭

識治亂情歡友相解達敷奏究平生矧荷明哲顧知深覺命
輕朝遊牛羊下暮坐括揭鳴終歲非一日傳厄弄新聲辰事
既難諧歡願如今并唯羨肅肅翰繽紛戾高冥

應場

汝穎之士流離世故頗有飄薄之歎

嗷嗷雲中鴈舉翮自委羽求涼羽水涸違寒長沙渚顧我梁
川時緩步集穎許日逢世難淪薄恒羈旅天下昔未定託
身早得所官度則卒烏林預艱阻晚節值眾賢會同庇天
宇列坐脰華榭金樽盈清醕始奏延露曲繼以闌夕語調笑
輒酬答嘲諢無慚泪傾軀無遺慮在心良已叙

阮瑀

管書記之任故有優渥之言

音以畢也

葭笛也汜音似遺也

醕音姑係續也醕思與切

河洲多沙塵風悲黃雲起金羈相馳逐騞何窮已慶雲惠
優渥微薄攀多士念昔渤海時南皮戲清汎今復河曲遊鳴
葭汎蘭汜躡步陵丹梯並坐侍君子妍談既愉心哀弄信睦
耳傾醕係芳醕酌言豈終始自從食滌來唯見今日美

平原侯植

公子不及世事但美遨遊然頗有憂生之嗟

徒所綺反
憂奴了反
哇鳥佳反

朝遊登鳳閣日暮集華沼傾柯引弱枝攀條摘蕙草徒倚窮
騁望日極盡所討西顧太行山北眺邯鄲道平衢修且直白
楊信裊裊副君命飲宴歡娛寫懷抱良遊匪晷夜豈云晚與
早眾賓悉精妙清辭灑蘭藻哀音下迴鶻餘哇徹清昊中山
不知醉飲德方覺飽願以黃髮期養生念將老

傲曹子建樂府白馬篇

袁淑

新刊校

卷之七

二

奏聚也會也

西音先叶韻
影音飄又字亮切
與標同

劍騎何翩翩長安五陵間秦地天下樞八方湊才賢荆魏多
壯士宛洛富少年意氣深自負肯事郡邑權籍籍關外來車
徒傾國鄜五侯競書幣羣公亟為言義分明於霜信行直如
弦交歡池陽下雷宴汾陰西朝許人諾何能坐相捐影節
去函谷投珮出甘泉嗟此務遠圖心為四海懸但營身意遂
豈校目前俠烈良有聞古來共知然

傲古

袁淑

醉音訊又息醉反
猶問也

醉此倦遊上本家自遼東昔隸李將軍一載事西戎結車高
闕下極望見雲中四向各千里從橫起嚴風寒燠豈如節霜
雨多異同夕寐北河陰夢還日泉宮勤役未云已壯年徒為
空廼知古時人所以悲轉蓬

擬古一首

劉鑠

擬行行重行行

眇眇陵長道遙遙行遠之回車背京里揮手從此辭堂上流
塵生庭中綠草滋寒蟄翔水曲秋兔依山基芳年有華月佳
人無還期日夕涼風起對酒長相思悲發江南調憂委子衿
詩臥覺明燈晦坐見輕紈緇淚容不可飾幽鏡難復治願垂
薄暮景照妾桑榆時

擬明月何皎皎

落宿半遙城浮雲藹層闕玉宇來清風羅帳延秋月結思想
伊人沈憂懷明發誰為客行久屢見流芳歇河廣川無梁山
高路難越

和琅邪王依古

王僧達

少年好馳俠旅宦遊關源既踐終古跡聊訊興亡言隆周為

將音將

宿音秀又音夙

藪澤皇漢成山樊久沒離宮地安識壽陵園仲秋邊風起孤蓬卷霜根白日無精景黃沙千里昏顯軌莫殊轍幽塗豈異魂聖賢良已矣抱命復何怨

擬古二首

鮑昭

幽并重騎射少年好馳逐儻帶佩雙鞬象弧插彫服獸肥春草短飛鞚越平陸朝遊鴈門上暮還樓煩宿石梁有餘勁驚雀無全目漢虜方未和邊城屢翻覆留我一白羽將以分虎竹

魯客事楚王懷金襲丹素既荷主人恩又蒙令尹顧日晏罷朝歸輿馬塞衢路宗黨生光華賓僕遠傾慕富貴人所欲道得亦何懼南國有儒生迷方獨淪誤伐木清江湄設官守龜兔

鞬居言反補楚浴反鞬音控

龜仕咸切

十五諷詩書篇翰靡不通弱冠參多士飛步遊秦宮側觀君子論預見古人風兩說窮高下五車摧筆鋒羞當白璧贖恥受聊城功晚節從世務乘障遠和我解佩襲犀渠卷袞奉盧弓始願力不及安知今所終

學劉公幹體

鮑昭

胡風吹朔雪千里度龍山集君瑤臺裏飛舞兩楹前茲辰自為美當遊豔陽年豔陽桃李節皎潔不成妍

代君子有所思

西出登雀臺東下望雲闕層閣肅天居馳道直如髮繡甍結飛霞璇題納行月築山擬蓬壺穿池類溟渤選色遍齊代徵聲而叩越陳鐘陪夕讌笙歌待明發年貌不可還身意會盈歇蟻壤漏山阿絲淚毀金骨器惡含滿歎物忌厚生沒智哉

乘字也表書衣也

味音末叶韻

衆多士服理辨昭昧

傲古

范雲

寒沙四面平。飛雪千里驚。風斷陰山樹。霧失交河城。朝驅左
賢陣。夜薄休屠營。昔事前軍幕。人逐嫖姚兵。失道刑既重。遲
留法未輕。所賴今天子。漢道日休明。

雜體詩二十首

五言并序

江淹

夫楚謠漢風。既非一骨。魏製晉造。固亦一體。譬猶藍朱成彩。
雜錯之變。無窮。宮商爲音。靡曼之態。不極。故蛾眉詎同貌。而
俱動於魄。芳草寧共氣。而皆悅於魂。不其然歟。至於世之諸
賢。各滯所迷。莫不論甘而忘辛。好丹而非素。豈所謂通方廣
恕。好遠兼愛者哉。及公幹仲宣之論。家有曲直。安仁士衡之
評。人立矯抗。况復殊於此者乎。又貴遠賤近人之常情。重耳

輕日俗之恒蔽。是以邯鄲託曲於李奇。上季假論於嗣宗。此
其效也。然五言之興。諒非覺古。但關西鄴下。旣已罕同。河外
江南。頗爲異法。故玄黃經緯之辨。金碧沈浮之殊。僕以爲亦
合其美。並善而已。今作二十首詩。數其文體。雖不足品藻淵
流。庶亦無乖商榷云爾。

古別離

遠與君別者。乃至鴈門關。黃雲蔽千里。遊子何時還。送君如
昨日。簷前露已團。不惜蕙草晚。所悲道里寒。君在天一涯。妾
身長別離。願一見顏色。不異瓊樹枝。兔絲及水萍。所寄終不
移。

李都尉從軍陵

樽酒送征人。踟躕在親宴。日暮浮雲滋。握手淚如霰。悠悠清

鴈門山名其上置關

滋多也霰細雨也

川水嘉魴得所薦而我在萬里結髮不相見袖中有短書願寄雙飛鸞

班婕妤好詠扇

紈扇如圓月出自機中素畫作秦王女乘鸞向煙霧彩色世所重雖新不代故竊愁涼風至吹我玉階樹君子恩未晷零落在中路

魏文帝遊宴曹曹不

置酒坐飛閣逍遙臨華池神飈自遠至左右芙蓉披綠竹夾清水秋蘭被幽崖月出照園中冠珮相追隨客從南楚來為我吹參差淵魚猶伏浦聽者未云疲高文何綺小儒安足為肅肅廣殿陰雀聲愁北林眾賓還城邑何以慰吾心

陳思王贈友曹植

君上禮英賢不恆千金璧雙闕指馳道朱宮羅第宅從容冰井臺清池映華薄涼風盪芳氣碧樹先秋落朝與佳人期日夕望青閣褰裳摘明珠徒倚拾蕙若眷我三子辭義麗金甌延陵輕寶劍李布重然諾處富不忘貧有道在葵藿

劉文學感遇楨

蒼蒼山中桂團團霜露色霜露何繁桂枝生自直橘柚在南國因君為材翼謬蒙聖主私託身文墨職丹彩既已過敢不自彫飾華月照方池列坐金殿側微臣固受賜鴻恩良未測

王侍中懷德祭

伊昔值世亂秣馬辭帝京既傷蔓草別方知杖杜情嶠函復丘墟冀闕緬縱橫倚棹汎涇渭日暮山河清蟋蟀依桑野嚴

恹恹也羅列也

薄草木叢生也露

搖也

舉也摘取也

鵬鳥郭反

緊急也

秋音第

種與權同

反 編音貫編 俄亦

忽疾貌

風吹枯莖鶴鷓在幽草。客子淚已零。去鄉二十載。幸遭天下
平賢主。降嘉賞。金貂服玄纓。侍宴出河曲。飛蓋遊鄴城。朝露
竟幾何。忽如水上萍。君子篤惠義。柯葉終不傾。福履既所綏。
千載垂令名。

嵇中散 言志 康

曰余不師訓。潛志去世塵。遠想出宏域。高步超常倫。靈鳳振
羽儀。戢景西海濱。朝食琅玕實。夕飲玉池津。處順故無累。養
德乃入神。曠哉宇宙惠。雲羅更四陳。哲人貴識義。人雅明此
身。莊生悟無為。老氏守其真。天下皆得。名實久相賓。咸池
饗爰居。鐘鼓或愁辛。柳惠善直道。孫登庶知人。寫懷良未遠。
感贈以書紳。

阮步兵 詠懷 籍

青鳥海上游。鸞斯蒿下飛。沈浮不相宜。羽翼各有歸。飄颻可
終年。沈瀆安是非。朝雲乘變化。光耀世所希。精衛銜木石。誰
能測幽微。

張司空 離情 華

秋月映簾櫳。懸光入丹墀。佳人撫鳴琴。清夜守空帷。蘭徑少
行跡。玉臺生網絲。庭樹發紅彩。閨草含碧滋。延佇整綾綺。萬
里贈所思。願垂湛露惠。信我皎日期。

潘黃門 述哀 岳

青春速天機。素秋馳白日。美人歸重泉。悽愴無終畢。殯宮已
蕭清。松柏轉蕭瑟。俯仰未能弔。尋念非但。撫衿悼寂寞。恍
然若有失。明月入綺窻。髮鬢想蕙質。銷憂非萱草。永懷寄夢
寐。夢寐復冥冥。何由覩爾形。我慚北海術。爾無帝女靈。駕言

鸞音預

沈胡朗反

再止也

出遠山徘徊泣松銘雨絕無還雲花落豈留英日月方代序
寢興何時平

陸平原 羈宦機

儲后降嘉命恩紀被微身明發眷桑梓永歎懷密親流念辭
南蒞銜怨別四津驅馬遵淮泗日夕見梁陳服義追列矯
迹廁宮臣朱徽咸髦士長纓皆俊人契闊承華內綢繆踰歲
年日暮聊總駕逍遙觀洛川徂沒多拱木宿草陵寒煙遊子
易感愴躑躅還自憐願言寄三鳥離思非徒然

左記室 詠史思

韓公淪賣藥梅生隱市門百年信荏苒何用苦心魂當學衛
霍將建功在河源珪組賢君眄青紫明主恩終軍才始達賈
誼位方尊金張服貂冕許史乘華軒王侯貴片議公卿重一

言太平多歡娛飛蓋東都門顧念張仲蔚蓬蒿滿中園

張黃門 苦雨協

丹霞蔽陽景綠泉涌陰渚水鶴巢層巖山雲潤柱礎有弁興
春節愁霖貫秋序燮燮涼葉奪戾戾颶風舉高談玩四時索
居慕儔侶青苔日夜黃芳蕤成宿楚歲暮百慮交無以慰延
佇

劉太尉 傷亂 琨

皇晉遘陽九天下橫氛霧秦趙值薄蝕幽并逢虎據伊余荷
寵靈感激狗馳騫雖無六奇術冀與張韓遇窻成扣角歌桓
公遭乃舉荀息冒險難實以忠貞故空令日月逝愧無古人
度飲馬出城濠北望沙漠路千里何蕭條白日隱寒樹投袂
既憤懣撫枕懷百慮功名惜未立玄髮已改素時哉苟有會

溼音逝

酌顧也

礎音楚奔於檢切

奪落也

颶音思

蕤音佳切

橫塞也

治亂惟冥數

盧郎中感交謔

大厦須異材。廊廟非庸器。英俊著世功。多士濟斯位。眷顧成
網繆。迺與時髦匹。姻媾久不虛。契闊豈但一。逢厄既已同。處
危非所恤。常慕先達槩。觀古論得失。馬服為趙將。疆場得清
謐。信陵佩魏印。秦兵不敢出。慨無幄中策。徒慚素絲質。羈旅
去舊鄉。感遇踰琴瑟。自顧非杞梓。勉力在無逸。更以畏友朋
濫吹垂名實。

郭弘農遊仙璞

崦山多靈草。海濱饒奇石。偃蹇尋青雲。隱淪駐精魄。道人讀
丹經。方士鍊玉液。朱霞入窻牖。耀靈照空隙。傲睨摘木芝。陵
波采水碧。眇然萬里遊。矯掌望煙客。永得安期術。豈愁濛汜

迫

張廷尉雜述綽

太素既已分。吹萬著形兆。寂動苟有源。因循殫子人。道喪涉
千載。津梁誰能了。思乘扶搖翰。卓然凌風矯。俯觀尺棟義。理
足未嘗少。問問秋月明。憑軒詠堯老。浪迹無蚩妍。然後君子
道。領略歸一致。南山有綺皓。交臂久變化。傳火乃薪草。靈臺
玄思清。曾中去機巧。物我俱忘懷。可以狎鷗鳥。

許徵君自序詢

張子闇內機。單生蔽外像。時排冥筮。泠然空中賞。遣此弱
喪情。資神任獨往。采藥白雲隈。聊以肆所養。丹葩耀芳蕤。綠
竹陰閑敞。茗茗寄意勝。不覺陵虛上。曲櫺激鮮飈。石室有幽
響。去矣從所欲。得失非外獎。至哉操斤客。重明固已朗。五難

場音亦

編舉也

張五臣作孫

矯飛也種杖也

四俱永切

優法也

資擇也

既灑落超跡絕塵網

殷東陽興曠仲文

晨遊任所萃悠悠蘊真趣雲天亦遶亮時與賞心遇青松挺
秀萼蕙色出喬樹極眺清波深緬映石壁素瑩情無餘滓拂
衣釋塵務求仁既自我玄風豈外慕直置忘所宰蕭散得遺
慮

謝僕射遊覽混

信矣勞物化憂衿未能整薄言遵郊衢總轡出臺省淒淒節
序高寥寥心悟永時菊曜巖阿雲霞冠秋嶺眷然惜良辰徘
徊踐落景卷舒雖萬緒動復歸有靜曾是迫桑榆歲暮從所
秉舟壑不可攀忘懷寄匠郢

陶徵君田居潛

種苗在東臯苗生滿阡陌雖有荷鋤倦濁酒聊自適日暮巾
柴中路闇光已夕歸人望煙火稚子候檐隙問君亦何爲百
年會有役但願桑麻成蠶月得紡績素心止如此開徑望三
益

謝臨川遊山靈運

江海經邇廻山嶠備盈缺靈境信淹留賞心非徒設平明登
雲峯杳與廬霍絕碧鄣長周流金潭恒澄澈桐林帶晨霞石
壁映初晰乳竇既滴瀝丹井復寥泝崑崙轉奇秀岑峯還相
蔽赤玉隱瑤溪雲錦被沙內夜聞猩猩啼朝見鼯鼠遊南中
氣候暖朱華陵白雪幸遊建德鄉觀奇經禹穴身名竟誰辨
圖史終磨滅且泛桂水潮映月遊海滄攝生貴處順將爲智
者說

蘊音溫積也

緬灑也瑩磨也

悟心解也

單澤也

檐余廉反

會合也又皆也

晰音折之逝切今
協韻爲之舌印沈
音血圍五咸切酒
若拙反通常列反

癡魚陵切成也

備倉田切

曬所寄切又所賣切

溢滿也適比也雜也

情不明也慙也瑱他殿切

內而批切

澤音岑袂入聲

顏特進侍宴延之

太微凝帝宇。瑤光正神縣。揆日祭書史。相都麗闈見。列漢構
 仙宮。開天製寶殿。桂棟留夏飈。蘭橈停冬霰。青林結異濛。丹
 巘被蔥蒨。山雲備卿霽。池卉具靈變。重陽集清氛。小輦降玄
 宴。鶯望分寰遂。曬日盡都甸。氣生川岳陰。煙滅淮海見。中坐
 溢朱紉。步櫚造瓊弁。禮登佇膚情。樂闋延皇眎。測恩躋愉逸。
 泐牒惜浮賤。榮重餽兼金。巡華過盈壤。敢飾輿人詠。方慚綠
 水薦。

謝法曹贈別惠連

昨發赤亭渚。今宿浦陽汭。方作雲峯異。豈伊在甲別。芳塵未
 歇。席泔淚猶在。袂停艫望極浦。弭棹阻風雪。風雪既經時。夜
 水起懷思。汎濫北湖遊。岩亭南樓期。點翰詠新賞。開裘瑩所

獨于貧切哺音呼
 又他乎切哺音刺
 又食證切哺音簡
 切見也
 恒一玄切

鍊與鍊古字通
 徒谷切垢續也
 也

疑摘芳。愛氣馥拾藥。憐色滋。色滋畏沃若。人事亦銷鑠。子衿
 怨勿往。谷風誚輕薄。共乘延州信。無慚仲路諾。靈芝望三秀。
 孤筠情所託。所託已殷勤。祇足攬懷人。今行岵嶸外。銜思至
 海濱。覲子杏未偃。款眸在何辰。雜珮雖可贈。疏華竟無陳。無
 陳心惜勞。旅人豈遊遨。幸及風雪霽。青春滿江皋。解纜候前
 侶。還望方鬱陶。煙景若離遠。末鄉曷寄瓊瑤。

王徵君養疾微

窈藹瀟湘空。翠澗澹無滋。寂歷百草暎。欬吸鷓鴣悲。清陰往
 來遠。月華散前墀。鍊藥曷虛幌。汎瑟臥遙帷。水碧驗木鱗。金
 膏靈詎緇。北渚有帝子。蕩養不可期。悵然山中暮。懷痾屬此
 詩。

袁太尉從駕淑

錢無犯及關賦也

宋亡是及已也

履舒也

肅敬也齊也 船音 靈也 還止也

嚴見也又與紱通 紱也

宮廟禮哀敬。粉邑道嚴玄。恭潔由明祀。肅駕在新年。詔徒登
 季月戒鳳藻。行川雲旆象。漢徙宸網擬。星懸朱櫂麗。寒渚金
 鏤映。秋山羽衛藹。流景絲吹震。沈淵辨詩測。示國履籍鑑。都
 壘崩謠響。玉律邑頌被。丹絃文軫薄。桂海聲教燭。冰天和惠
 頒。上笏恩渥浹。下筵幸侍觀。浴後豈慕巡。河前服義力。無沫
 展歌殊未宣。

謝光祿郊遊莊

肅於出郊際。徒樂逗江陰。翠山方藹藹。青浦正沈沈。涼葉照
 沙嶼。秋榮冒水潯。風散松架險。雲鬱石道深。靜默鏡絲野。四
 睇亂會氣。清知鴈引露。華識援音雲。裝信解微煙。駕可辭
 金始整丹泉術。終覲紫芳心。行光自容裔。無使羽思侵。

鮑參軍戎行昭

豪士枉尺璧。宵人重恩光。狗義非為利。執羈輕去鄉。子血冬郊
 祀。月殺氣起嚴霜。戎馬粟不煖。軍士冰為漿。晨上城臯坂。磧
 礫皆羊腸。寒陰籠白日。大谷晦蒼蒼。息徒稅征駕。倚劍臨八
 荒。鷓鴣不能飛。玄武伏川梁。鍛翮由時至。感物聊自傷。豎儒
 守一經。未足識行藏。

鍛所戒切又音殺

休上人怨別

西北秋風至。楚客心悠哉。日暮碧雲合。佳人殊未來。露彩方
 泛豔。月華始徘徊。寶書為君掩。瑤琴詎能開。相思巫山渚。悵
 望陽雲臺。骨鑪絕沈燎。綺席生浮埃。桂水日千里。因之平生
 懷。

騷類

離騷經

屈原

離別騷愁也

馱子侯友

扈戶字反又音祗

被也紉音人索也

結也 汨于筆切

塞音愆取也既音

毗山名也淹久也

撫侍也

直昌改切

耿古迴反又古幸

切捷疾也

窘求頌切急也

帝高陽之苗裔兮。朕皇考曰伯庸。攝提貞于孟陬兮。惟庚寅
吾以降。皇覽揆余于初度兮。肇錫余以嘉名。名余曰正則兮。
字余曰靈均。紛吾既有此內美兮。又重之以修能。扈江離與
辟芷兮。紉秋蘭以為佩。汨余若將不及兮。恐年歲之不吾與。
朝搴阰之木蘭兮。夕攬洲之宿莽。日月忽其不淹兮。春與秋
其代序。惟草木之零落兮。恐美人之遲暮。不撫壯而棄穢兮。
何不改其此度也。乘騏驎以馳騁兮。來五導夫先路。昔三后
之純粹兮。固衆芳之所在。維中椒與菌桂兮。豈維紉夫蕙茝。
彼堯舜之耿介兮。既遵道而得路。何桀紂之昌披兮。夫唯捷
徑以窘步。惟黨人之偷樂兮。路幽昧以險隘。豈余身之憚殃
兮。恐皇輿之敗績。忽奔走以先後兮。及前王之踵武。荃不察
余之中情兮。反信讒而齊怒。余固知謇謇之為患兮。恐而不

滋蔀也

吮於遠反

絕落也

楚乃舍切羌去羊

切楚人語詞也又

乃也

苟誠也嬌苦瓜切

頤呼感反頤乎感

反擊侍也

纒所綺切周合也

穢居衣反評諫也

纒思羊反

能舍也。指九天以為正兮。夫唯靈脩之故也。初既與余成言
兮。後悔遜而有佗。余既不難離別兮。傷靈脩之數化。余既滋
蘭之九畹兮。又樹蕙之百畝。畦留夷與揭車兮。雜杜衡與芳
芷。冀枝葉之峻茂兮。願埃時乎吾將刈。雖萎絕其亦何傷兮。
哀衆芳之蕪穢。衆皆競進以貪婪兮。憑不厭乎求索。羌內恕
已以量人兮。各興心而嫉妬。忽馳騫以追逐兮。非余心之所
急。老冉冉其將至兮。恐脩名之不立。朝飲木蘭之墜露兮。夕
餐秋菊之落英。苟余情其信姱以練要兮。長顛頤亦何傷。擘
木根以結茝兮。貫薜荔之落葉。櫛菌桂以紉蕙兮。索胡繩之
纒纒。蹇吾法夫前修兮。非時俗之所服。雖不周於今之人兮。
願依彭咸之遺則。長太息以掩涕兮。哀人生之多艱。余雖好
脩姱以鞿羈兮。謇朝諝而夕替。既替余以蕙纒兮。又申之以

誅丁角反

倘音面背也錯倉故反追隨也

侗音也又徒昆反侗五加反際五例切又丑世反蓋苦合反

誦呼候切耻也

相視也

芟音枝

糝女又反

攬_レ菑亦余心之所善_ス兮雖九死其猶未悔怨靈脩之浩蕩兮
 終不察夫人心衆女嫉余之蛾眉兮謠詠謂余以善淫固時
 俗之工巧兮倘規矩而改錯背繩墨以追曲兮競周容以為
 度_レ忼鬱悒余侘傺兮吾獨窮困乎此時也寧溘死以流亡兮
 余不忍為此態也鷺鳥之不羣兮自前代而固然何方圓之
 能周兮夫孰異道而相安屈心而抑志兮忍尤而攘詬伏清
 白以死直兮固前聖之所厚悔相道之不察延佇乎吾將反
 迴朕車以復路兮及行迷之未遠步余馬於蘭皋兮馳椒丘
 且焉止息進不入以離尤兮退將復修吾初服製芟荷以為
 衣兮集芙蓉以為裳不吾知其亦已兮苟余情其信芳高余
 冠之岌岌兮長余佩之陸離芳與澤其雜糅兮唯昭質其猶
 未虧忽反顧以游目兮將往觀乎四荒佩繽紛其繁飾兮芳

須音須鮫同鮫

古本切

婞胡到反音脛

賢音茲蒙音綠麗失移反

馮音也歷數也行也

啓禹子名又開也

寘任角反寘五子反

頤傾也

非非其彌章人生各有所樂兮余獨好修以為常雖體解吾
 猶未變兮豈余心之可懲女須之嬋媛兮申申其詈予曰鮫
 婞直以一身兮終然天乎羽之野汝何博謇而好修兮紛獨
 有此婞節蕞_レ葦_レ施以盈室兮判獨離而不服衆不可戶說兮
 孰云察余之中情世並舉而好朋兮夫何竢獨而不予聽依
 前聖之節中兮唱憑心而歷茲濟沅湘以南征兮就重華而
 陳詞啓九辯與九歌兮夏康娛以自縱不顧難_レ以圖後兮五
 子用失乎家巷弄淫遊以佚田兮又好射夫封狐固亂流其
 鮮終兮泥又貪夫厥家澆身被服疆圉兮縱欲而不忍日康
 娛而自忘兮厥首用夫顛隕夏桀之常違兮乃遂焉而逢殃
 后辛之菹醢兮殷宗用而不長湯禹嚴而祇敬兮周論道而
 莫差舉賢而授能兮脩繩墨而不頗皇天無私阿兮覽人德

錯七故反

沾音詹猶危也

酌而銳反

曾累也酌許居反

反

鷲鳥計反盪苦合

反酌音刃

瓊先果反噲於廉

反噲音茲

總結也

聊且也相羊遊也

御音迓班亂貌

焉錯輔夫維聖哲以茂行兮苟得用此下土瞻前而顧後兮
相觀人之計極夫孰非義而可用兮孰非善而可服沾余身
而危死兮覽余初其猶未悔不量鑿而正柄兮固前脩以菹
醢會歎歎余鬱悒兮哀朕時之不當攬茹蕙以掩涕兮霑余
襟之浪浪跪敷社以陳辭兮耿吾既得此中止駟玉虬以乘
鷲兮盪埃風余上征朝發軔於蒼梧兮夕余至乎縣圃欲少
留此靈瓊兮日忽忽其將暮吾令羲和弭節兮望崦嵫而勿
迫路漫漫其脩遠兮吾將上下而求索飲余馬於咸池兮總
余轡乎扶桑折若木以拂日兮聊須臾以相羊前望舒使先
驅兮後飛廉使奔屬鸞皇為余先戒兮雷師告余以未具吾
令鳳皇飛騰兮又繼之以日夜飄風屯其相離兮帥雲霓而
來御紛總總其離兮班陸離其上下吾令帝閭開關兮倚

閨呼本反

閨方宥反綆息列

反係也

盪奄也

相視也貽遺也

纏音相

纏呼陌反呼麥反

有于鬼切

娥音蒿佚音逸

佻他凋切

詭異冒反遺也

閨闔而望予時曠曠其將罷兮結幽蘭而延行世溷濁而不
分兮好蔽美而嫉妬朝吾將濟於白水兮登閨風而綆馬忽
反顧以流涕兮哀高丘之無女盪吾遊此春宮兮折瓊枝以
繼佩及榮華之未落兮相下女之可貽吾令豐隆乘雲兮求
處妃之所在解佩纒以結言兮吾令蹇脩以為理紛總總其
離兮忽緯繡其難遷夕歸次於窮石兮朝濯髮乎滄瀛保
厥美以驕傲兮日康娛以淫遊雖信美而無禮兮來違棄而
改求覽相觀於四極兮周流乎天余乃下望瑤臺之假蹇兮
見有娥之佚女吾令鳩為媒兮鳩告余以不好雄鳩之鳴逝
兮余猶惡其佻巧心猶豫而狐疑兮欲自適而不可鳳皇既
受詒兮恐高辛之先我欲遠集而無所止兮聊浮游以逍遙
及少康之末家兮留有虞之二姚理弱而媒拙兮恐導言之

索所華反
筵音廷筵音專

釋廢也

惡鳥故反

理池貞反蘇取也
幃音啤

縉音所

刻音琰

縵紆縛及又於縛反

不固時溷濁而嫉賢兮。好蔽美而稱惡。閨中既以邃遠兮。哲王又不寤懷。朕情而不發兮。余焉能忍與此終古。素瓊茅以筵筓兮。命靈氛為余占之。曰兩美其必合兮。孰信脩而慕之。思九州之博大兮。豈唯是其有女。曰勉遠逝而無狐疑兮。孰求美而釋女。何所獨無芳草兮。爾何懷乎。故宇時幽昧以眩曜兮。孰云察余之美惡。人好惡其不同兮。惟此黨人其獨異。戶服艾以盈要兮。謂幽蘭其不可佩。覽察草木其猶未得兮。豈理美之能當。蘇糞壤以充幃兮。謂申椒其不芳。欲從靈氛之吉占兮。心猶豫而狐疑。巫咸將夕降兮。懷椒糝而要之。百神翳其備降兮。九疑繽其並迎。皇剡剡其揚靈兮。告余以吉故。曰勉升降以上下兮。求矩矱之所同。湯禹儼而求合兮。摯臯繇而能調。苟中情其好脩兮。何必用夫行媒。說操築於傅巖兮。武丁用而不疑。呂望之鼓刀兮。遭周文而得舉。甯戚之謳歌兮。齊桓聞以該輔。及年歲之未晏兮。時亦猶其未央。恐鶚鳩之先鳴兮。使百草為之不芳。何瓊佩之偃蹇兮。眾愛然而蔽之。惟此黨人之不亮兮。恐嫉妬而折之。時繽紛其變易兮。又何可以淹留。蘭芷變而不芳兮。荃蕙化而為茅。何昔日之芳草兮。今直為此蕭艾也。豈其有他故兮。莫好修之害也。余以蘭為可恃兮。羌無實而容長。委厥美以從俗兮。苟得引乎眾芳。椒專佞以慢諂兮。椒又欲克其佩幃。既下進而務入兮。又何芳之能祗。固時俗之從流兮。又孰能無變化。覽椒蘭其若茲兮。又況揭車與江離。惟茲佩之可貴兮。委厥美而歷茲。芳菲菲而難虧兮。芬至今猶未沫。和調度以自娛兮。聊浮游而求女。及余飾之方壯兮。周流觀乎上下。靈氛既告余以

該備也晏晚也央

盡也

鶚音鳥鳩音桂又古穴切愛音愛

諂吐乃反淫也機音殺幃音幃

歷逢也

虧歇也損也沫已貝反已也

靈氛既告余以

歷選也羞肺也靡音孽張音張

軻軍輪也

也陳也

獸音大婉於阮切

曉五計反曉音員反

亂理也所以發理詞指摠撮行要也

吉占兮歷吉日乎吾將行折瓊枝以為羞兮精瓊靡以為糒
為余駕飛龍兮雜瑤象以為車何離心之可同兮吾將遠逝
以自疏邇吾道夫崑崙兮路脩遠以周流揚雲霓之晻藹兮
鳴玉鸞之啾啾朝發軔於天津兮夕余至于西極鳳皇翼其
承旂兮高翱翔之翼翼忽吾行此流沙兮遵赤水而容與麾
蛟龍使梁津兮詔西皇使涉予路脩遠以多艱兮騰衆車使
徑待路不周以左轉兮指西海以為期也余車其千乘兮齊
玉軻而並馳駕八龍之婉婉兮載雲旗之委移抑志而弭節
兮神高馳之邈邈奏九歌而舞韶兮聊假日以愉樂陟升皇
之赫戲兮忽臨睨夫舊鄉僕夫悲余馬懷兮卷局顧而不行
亂曰已矣哉國無人莫我知兮又何懷乎故都既莫足與為
美政兮吾將從彭咸之所居

九歌四首

東皇太一

屈原

吉日兮辰良穆將愉兮上皇撫長劍兮玉珥璆鏘鳴兮琳琅
瑤席兮玉璫盍將把兮瓊芳蕙肴蒸兮蘭藉奠桂酒兮椒漿
揚枹兮拊鼓疏緩節兮安歌陳竽瑟兮浩倡靈偃蹇兮姣服
芳菲菲兮滿堂五音紛兮繁會君欣欣兮樂康

雲中君

浴蘭湯兮沐芳華采衣兮若英靈連蜷兮既留爛昭昭兮未
央蹇將憺兮壽宮與日月兮齊光龍駕兮帝服聊翱遊兮周
章靈皇皇兮既降歟遠舉兮雲中覽冀州兮有餘橫四海兮
焉窮思夫君兮太息極勞心兮慍慍

湘君

儘同仲勅中切

也姦必遙反

安也周章猶周流

寒詞也憺徒濫反

卷巨負反央已也

枹音浮疏希也

藉慈衣反奠置也

也珥音餌璆音鏘

穆敬也愉音逾樂

雷待也。眇音妙。浦音類反。

遭際連反。薛薄閉反。滋音麗。拍搏擊也。聲亡全切。攪而遙切。澤音岑。緩音

反。遷仕連切。緩為元切。匪音沸。切機翔例切。斷下角切。

淺音淺。閏音閏。珠音決。澧音禮。

湘夫人

湘夫人

湘夫人

君不行兮夷猶。蹇誰留兮中洲。美要眇兮宜脩。沛吾乘兮桂舟。令沅湘兮無波。使江水兮安流。望夫君兮歸來。吹參差兮誰思。駕飛龍兮北征。遭吾道兮洞庭。薜荔拍兮蕙纈。承空橈兮蘭旌。望涇陽兮極浦。橫大江兮揚靈。揚靈兮未極。女嬋媛兮為余太息。橫流涕兮潺湲。隱思君兮徘徊。桂櫂兮蘭棹。斲冰兮積雪。采薜荔兮水中。搴芙蓉兮木末。心不同兮媒勞。恩不甚兮輕絕。石瀨兮淺淺。飛龍兮翩翩。交不忠兮怨長。期不信兮告余以不閒。朝騁鸞兮江皋。夕弭節兮北渚。鳥次兮屋上。水周兮堂下。捐余玦兮江中。遺余珮兮澧浦。采芳洲兮杜若。將以遺兮下女。時不可兮再得。聊逍遙兮容與。

湘夫人

帝子降兮北渚。目眇眇兮愁予。嫋嫋兮秋風。洞庭波兮木葉

下。登白蘋兮騁望。與佳期兮夕張。鳥萃兮蘋中。眷何為兮木

上。沅有芷兮澧有蘭。思公子兮未敢言。慌忽兮遠望。觀流水

兮潺湲。麋何為兮庭中。蛟何為兮水裔。朝馳余馬兮江皋。夕

濟兮西澨。聞佳人兮召予。將騰駕兮偕逝。築室兮水中。葺之

兮以荷葢。葢全壁兮紫壇。播芳椒兮成堂。桂棟兮蘭橈。辛夷楣

兮葺药房。罔薜荔兮為帷。擗蕙櫨兮旣張。白玉兮為鎮。疏石蘭

以為芳。芷葺兮荷屋。繚之兮杜衡。合百草兮實庭。建芳馨兮

廡門。九疑繽兮竝迎。靈之來兮如雲。捐余袂兮江中。遺余襟

兮澧浦。搴汀洲兮杜若。將以遺兮遠者。時不可兮驟得。聊逍

遙兮容與。

九歌二首

屈原

秋蘭兮麝蕪。羅生兮堂下。綠葉兮素華。芳菲菲兮襲予。夫人

正音止。慌音荒。

澧音禮。

湘音湘。

蕪音蕪。

葺音葺。

葺音葺。

葺音葺。

葺音葺。

葺音葺。

葺音葺。

葺音葺。

葺音葺。

新刊校選 卷之七

須待也

四處反凍就
艾長也

自有兮美子。蓀何以兮愁苦。秋蘭兮青青。綠葉兮紫莖。滿堂兮美人。忽獨與余兮自成人。不言兮出不辭。乘回風兮載雲旗。悲莫悲兮生別離。樂莫樂兮新相知。荷衣兮蕙帶。倏而來兮忽而逝。夕宿兮帝郊。君誰須兮雲之際。與汝遊兮九河。衝飈起兮木揚波。與汝沐兮咸池。晞汝髮兮陽之阿。望美人兮未來。臨風兮浩歌。孔雀兮翠旌。登九天兮撫彗星。竦長劍兮擁幼艾。荃獨宜兮為民正。

右少司命

來力知反下音戶

若有人兮山之阿。被薜荔兮帶女蘿。既含睇兮又宜笑。予慕予兮善窈窕。乘赤豹兮從文狸。辛夷車兮結桂旗。被石蘭兮帶杜衡。折芳馨兮遺所思。余處幽篁兮終不見天。路險難兮獨後來。表獨立兮山之阿。雲容容兮而在下。杳杳冥冥兮羌

儻徒監切率榮也

曼莫盤反叶韻

間音閑

頌音田韻素合反

晝晦東風飄兮神靈雨。雷靈修兮憺忘歸。歲既晏兮孰華予。采三秀兮於山間。石磊砢兮葛蔓蔓。怨公子兮憤忘歸。君思我兮不得聞。山中人兮芳杜若。飲石泉兮蔭松柏。君思我兮然疑作。雷填填兮雨冥冥。猿啾啾兮秋夜鳴。風颯颯兮木蕭蕭。思公子兮徒離憂。

右山鬼

九章

屈原

章著也明也

鈇音煩劍也

巍五回切困胡困反亂也

余幼好此奇服兮年既老而不衰。帶長鋏之陸離兮冠切雲之崔嵬。被明月兮佩寶璐。世溷濁而莫予知兮吾方高馳而不顧。駕青虬兮驂白螭。吾與重華遊兮瑶之圃。登崑崙兮食玉英。與天地兮比壽。與日月兮齊光。哀南夷之莫吾知兮且余濟乎江湘。乘鄂渚而反顧兮欽秋冬之緒風。步余馬兮山

鄂五各反鈇音哀

新刻文選卷之七

辭音零榜音孟

反汰音太

淹留也

激音敘

遭陟連及如往也

狄余救反

垠音銀

鬚音坤羸力果切

以用也

植莊居反醜呼改

反董正也

臯低余車兮方林乘舲船余上沅兮齊吳榜以擊汰船容與
而不進兮淹回水而疑滯朝發枉渚兮夕宿辰陽苟余其端
直兮雖僻遠之何傷入激浦余遭迴兮迷不知吾之所如深
林杳以冥冥兮乃後狄之所居山峻高以蔽日兮下幽晦以
多雨霰雪紛其無垠兮雲霏霏而承宇哀吾星之無樂兮幽
獨處乎山中吾不能變心而從俗兮固將愁苦而終窮接輿
髡首兮桑扈羸行忠不必用兮賢不必以伍子逢殃兮比干
殖醢與前世而皆然兮吾又何怨乎今之人余將董道而不
豫兮固將重昏而終身

涉江

卜居

屈原

屈平既放三年不得復見竭智盡忠蔽諂於讒心煩意亂不

惘若本反

媮音俞

唳音足警音貫

音栗唳音握

伊喻音儒

突吐忽反滑音骨

絮苦結反

溷胡困反

知所從乃往見太卜鄭詹尹曰余有所疑願因先生決之詹
尹乃端策拂龜曰君將何以教之屈原曰吾寧惘惘款款朴
以忠乎將送往勞來斯無窮乎寧誅鋤茅以力耕乎將遊
大人以成名乎寧正言不諱以危身乎將從俗富貴以媮生
乎寧超然高舉以保真乎將呶呶嚙嚙以事婦人
乎寧廉潔正直以自清乎將突梯滑稽如脂如韋以繫楹乎
寧昂昂若千里之駒乎將汜汜若水中之鳧乎與波上下偷
以全吾軀乎寧馳騁抗軛乎將隨鴛鴦之迹乎寧與黃鸝
比翼乎將與鷓鴣爭食乎此孰吉孰凶何去何從世溷濁而
不清蟬翼為重千鈞為輕黃鐘毀棄瓦釜雷鳴讒人高張賢
士無名吁嗟嘿嘿兮誰知吾之廉貞詹尹乃釋策而謝曰夫
尺有所短寸有所長物有所不足智有所不明數有所不逮

神有所不通用君之心行君之意龜策誠不能知此事

漁父

屈原

屈原既放遊於江潭行吟澤畔顏色憔悴形容枯槁漁父見而問之曰子非三閭大夫與何故至於斯屈原曰世人皆濁我獨清眾人皆醉我獨醒是以見放漁父曰聖人不凝滯於萬物而能與世推移世皆濁何不泥其泥而揚其波眾人皆醉何不舖其糟而歎其醜何故深思高舉自令放為屈原曰吾聞之新沐者必彈冠新浴者必振衣安能以身之察察受物之汶汶者乎寧赴湘流葬於江魚腹中安能以皓皓之白蒙世俗之塵埃乎漁父莞爾而笑鼓枻而去乃歌曰滄浪之水清兮可以濯我纓滄浪之水濁兮可以濯我足遂去不復與言

漏胡骨切濁也

舖音脯擊昌悅切

醜音離

汶莫奔反

莞胡板反枻音曳

辭變也

九辯五首

宋玉

悲哉秋之為氣也蕭瑟兮草木搖落而變衰僚慄兮若在遠行登山臨水兮送將歸沈寥兮天高而氣清寂寥兮收潦而水清憊悽增欷兮薄寒之中人愴怆愴兮去故而就新坎壈兮貧士失職而志不下廓落兮羈旅而無友生惆悵兮而私自憐燕翩翩其辭歸兮蟬寂寞而無聲鴈噉噉而南遊兮鷓鴣啁哳而悲鳴獨申且而不寐兮哀蟋蟀之宵征時疊疊而過中兮蹇淹留而無成

僚子六反纏音亦解也

噉止也

憊徒歷反

竭綺烈切去也

余異車駕兮竭而歸不得見兮心悲倚結軫兮太息涕滂沱

昏莫構切
昏普萌反

昏同也

徐初例切
昏音於
昏匿居反

彷彿聞及佛撫費
反
昏音本動音明

慘音森
昏音央預切
昏女又反

昏良也

昏在七反
昏如字
切
昏徒敢反

昏至也

今霑軾慷慨絕今不得中昏亂今迷惑私自憐今何極心忤
忤兮諒直

皇天平分四時今竊獨悲此凜秋白露既下降百草今奄離
披此梧楸去白日之昭昭今襲長夜之悠悠離芳藹之方壯
今余季約而悲愁秋既先戒以白露今冬又申之以嚴霜收
恢台之孟夏兮然坎際而沈藏葉於邑而無色兮枝煩繁而
交橫顏淫溢而將罷兮柯彷彿而萎黃蒨樛慘之可哀兮形
銷鑠而瘀傷惟其紛糝而將落兮恨其失時而無當寧駢轡
而下節兮聊逍遙以相羊歲忽忽而適盡兮恐余壽之弗將
悼余生之不時兮逢此世之侂攘澹容與而獨倚兮蟋蟀鳴
此西堂心怵惕而震盪兮何所憂之多方仰明月而太息兮
步列星而極明

竊音倚
昏女綺反

重念也

指音銀
昏扶慶反

錯士故反
昏徒哀反

跳音條
昏所甲切

昏音員
昏音泚
昏林舉切

竊悲夫蕙華之曾敷兮紛旖旎乎都房何曾華之無實兮從
風雨而飛颺以為君獨服此蕙兮嗟無以異於衆芳閔奇思
之不通兮將去君而高翔心閔憐之慘悽兮願一見而有明
重無怨而生離兮中結軫而增傷豈不鬱陶而思君兮君之
門以九重猛犬狺狺而迎吠兮關梁閉而不通皇天淫溢而
秋霖兮后土何時而得乾塊獨守此無澤兮仰浮雲而永歎
何時俗之工巧兮皆繩墨而改錯却騏驥而不乘兮策駑駘
而取路當世豈無騏驥兮誠莫之能善御見執轡者非其人
兮故駒跳而遠去鳥鴈皆喙夫梁藻兮鳳愈飄翔而高舉園
鑿而方枘兮吾固知其鉏鋸而難入衆鳥皆有所登棲兮鳳
獨遑遑而無所集願銜枚而無言兮嘗被君之渥洽太公九
十乃顯榮兮誠未遇其匹合謂騏驥兮安歸謂鳳皇兮安棲

匿呢力反

餽於為反

變古易俗兮世衰今之相者今舉肥騏驎伏匿而不見兮鳳皇高飛而不下鳥獸猶知懷德兮何云賢士之不處驥不驟進而求服兮鳳亦不貪餽而妄食君棄遠而不察兮雖願忠其焉得欲寂寞而絕端兮竊不敢忘初之厚德獨悲愁其傷人兮憑鬱鬱其何極

招魂

宋玉

沫音昧已也

離羅也

朕幼清以廉潔兮身服義而未沫主此盛德兮牽於俗而蕪穢上無所考此盛德兮長離殃而愁苦帝告巫陽曰有人在下我欲輔之鬼鬼離散汝筮予之巫陽對曰掌夢上帝其命難從若必筮予之恐後謝之不能復用巫陽焉乃下招曰鬼兮來歸去君之恒幹何為乎四方些舍君之樂處而羅彼不祥些鬼兮歸來東方不可以託些長人千仞唯鬼是索些十日代出流金鑠石些彼皆習之鬼往必釋些歸來歸來不可以託些鬼兮歸來南方不可以託些雕題黑齒得人肉以祀以其骨為醢些蝮蛇秦秦封狐千里些雄虺九首往來倏忽吞人以益其心些歸來歸來不可久淫些鬼兮歸來西方之害流沙千里些旋入雷泉靡散而不可止些幸而得脫其外曠宇些赤蟻若象玄蠸若壺些五穀不生藜菅是食些其土爛人求水無所得些彷徨無所倚廣大無所極些歸來歸來恐自遺賊些鬼兮歸來北方不可以止些增冰峨峨飛雪千里些歸來歸來不可以久些鬼兮歸來君無上天些虎豹九關啄害下人些一夫九首拔木九千些豺狼從目往來佻佻些懸人以嬉投之深淵些致命於帝然後得瞑些歸來歸來往恐危身些鬼兮歸來君無下此幽都些土伯九約其角觺

此蘇賀反辭也舍置也又捨去也

鑠式灼切銷也釋解也

醢音海頓音福纂側中反

淫遊也淹也

靡音靡碎也

彷彿忙反

從子恭反豎也傍所臻切

幽地也下也陸切音凝

〔厥音林〕押音盡
音不

〔籥古侯反〕

〔間音開〕

〔笑鳥〕平反。〔履胡雅〕

反。〔夏胡駕反〕。〔沘音〕

北。〔崇高也〕。〔奧馬到〕

反。〔砥音旨〕。〔維音卦〕

〔弱音弱〕。〔幃音侍〕。〔組〕

音祖。

〔射音亦〕。〔臥也〕。〔遞更〕

也。

〔翳〕。〔凌反〕。〔植志也〕。

〔袴音八反〕。〔組音且〕

竟也。〔曼音萬〕。〔係音〕

〔餘〕。〔女吏反〕。〔聯音〕

綿。

〔極音角〕

〔陂音波〕。〔陶音馳〕。〔轉〕

音涼。

〔案〕。〔子夷反〕。〔側〕。〔側角〕

反。〔犀〕。〔居反〕。〔腰〕。〔紀〕

言及。〔肺〕。〔如之切〕

〔炮〕。〔痛交反〕。〔拓之夜〕

反。〔臍〕。〔子亮切〕。〔唯呼〕

各切。〔嚙〕。〔以規切〕。〔粗〕

音舉。〔穀音〕。〔穀音〕。〔張〕

〔醜音黃〕。〔勺音酌〕。〔挫〕

宗臥反。〔耐〕。〔直宥反〕

〔醜音賦〕。〔煥音熙〕。〔與〕

娉通。

〔曼音萬〕。〔曼音〕。〔錢反〕

〔在〕。〔忍甚反〕

〔狂猶〕。〔並也〕。〔損音田〕

擊也。〔飲音命〕

鬢些。敦脈血拇。逐人駢駢些。參目虎首。其身若牛些。此皆甘

入。歸來歸來。恐自遺災些。魂兮歸來。入脩門些。工祝招君。背

行先些。秦篝齊縷。鄭綿絡些。招具該備。永嘯呼些。魂兮歸來

反。故居些。天地四方。多賊奸些。像設君室。靜聞安些。高堂邃

宇。檻層軒些。層臺累榭。臨高山些。網戶朱綴。刻方連些。冬有

突。夏有室。寒此川谷。徑復流。潺湲些。光風轉蕙。汜崇蘭些。經

堂入奧。朱塵筵些。砥室翠翘。絳曲瓊些。翡翠珠被。爛齊光些。

弱阿。拂壁羅幃。張此纂組。綺縞結琦璜些。室中之觀。多珍怪

些。蘭膏明燭。華容備些。一八侍宿。射遞代些。九侯淑女。多迅

衆些。盛鬋不同。制實滿宮些。容態好比。順彌代些。羽顏固植

。嚳其有意些。姱容脩態。組洞房些。蛾眉曼睩。目騰光些。靡顏

膩理。遺視矚些。離樹脩幕。侍君之間些。翡翠翠幃。飾高堂些。

紅壁沙版。玄玉之梁些。仰觀刻桷。畫龍蛇些。坐堂伏檻。臨曲

池些。芙蓉始發。雜芰荷些。紫莖屏風。文綠波些。文異豹飾。侍

陂陀些。軒轅既低。步騎羅些。蘭薄戶樹。瓊木離些。魂兮歸來

何遠爲些。室家遂宗。食多方些。稻粱糲麥。挈黃梁些。大苦鹹

酸。辛甘行些。肥牛之臠。膾若芳些。和酸若苦。陳吳羹些。脯鼈

炮羔。有柘漿些。鵠酸臠臠。煎鴻鶻些。露雞臠蠆。厲而不爽些。

糗糈蜜餌。有餼餼些。瑤漿蜜勺。實羽觴些。挫糟凍飲。酎清涼

些。華酌既陳。有瓊漿些。歸來歸來。反故居些。敬而無妨些。肴羞

未通。女樂羅些。陳鐘按鼓。造新歌些。涉江采菱。發揚荷些。美

人既醉。朱顏醜些。嫉光眇視。目曾波些。被文服纖麗。而不奇

些。長髮曼髻。豔陸離些。一八齊容。起鄭舞些。衽若交竿。撫案

下些。竽瑟狂會。塤鳴鼓些。宮庭震敬。鶯發激楚些。吳歎蔡謳。奏

紛亂也

結舌語及寬音昆

比煩三反

鑿音耕及鑿音舉

反與古八反鑿音

登假舌類及至也

汨于筆反

蒙音綠

哇胡圭反

驪音知反

還音旋

憚丁達反又唐丁

切即徐妍反瀨子

廉反楓音風又符

咸切

大呂些。士女雜坐。亂而不分些。放陳組纓。班其相紛些。鄭衛
妖玩來雜。陳些。激楚之結。獨秀先些。篋箴象棊。有六博些。分
曹竝進。道相迫些。成臬而牟。呼五白些。晉制犀比。費白日些。
鏗鐘搖簫。契梓瑟些。娛酒不廢。沈日夜些。蘭膏明燭。華鏝錯
些。結撰至思。蘭芳假些。人有所極。同心賦些。酌飲既盡。歡樂
先故些。魂兮歸來。反故居些。亂曰。獻歲發春兮。汨吾南征些。
棊蘋齊葉兮。白芷生些。路貫廬江兮。左長薄倚沼。哇瀛兮。遙
望博青。驪結駟兮。齊千乘。懸火延起兮。玄顏烝步。及驟處兮。
誘騁先抑。鴛若通兮。引車右還。與王趨夢兮。課後先。君王親
發兮。憚青兕。朱明承夜兮。時不可淹。臯蘭被徑兮。斯路漸湛。
湛江水兮。上有楓。目極千里兮。傷春心。蒐兮歸來。哀江南。

招隱十

劉安

卷音權續居休反

隴力孔反巖則孔

反巖任威反稅余

枚反暉明高反

噓音患咕音姑

啾于由反映鳥郎

反軋鳥黠反嘯音

弗吻音勿隴音聊

慄音栗屹音穴鐵

音欽岑音吟綺音

綺音蟻彌欺冰

反磴在冰切魂於

鬼反碗魚李反我

蒲末反飢音季煩

音煩審音髓屬居

筠反慶音嘉險音

吟澁疏綺反咆蒲

文反

桂樹叢生兮。山之幽。偃蹇連卷兮。枝相繚。山氣隴從兮。石嵯
峨。谿谷嶄巖兮。水曾波。援狄羣嘯兮。虎豹嗥。攀援桂枝兮。聊
淹留。王孫遊兮。不歸。春草生兮。萋萋歲暮兮。不自聊。蟋蟀鳴
兮。啾啾。坎兮。軋。山曲。岬心。淹留兮。恫慌忽。罔兮。沕。僚兮。慄。虎
豹。屹。叢薄。深林兮。人上。慄。嶽岑。崎嶇兮。礪。礪。硯。硯。樹。輪。相。糾
兮。林木。茂。飢。青。莎。雜。樹兮。蘋。草。薜。靡。白。鹿。麋。麇兮。或。騰。或。倚。
狀。貌。嶮。嶮兮。峨。峨。淒。淒兮。澁。澁。獼。猴兮。熊。羆。慕。類兮。以。悲。攀
援。桂。枝兮。聊。淹。留。虎。豹。鬪兮。熊。羆。咆。禽。獸。駭兮。其。曹。王。孫
兮。歸。來。山。中兮。不。可。以。久。留。

新刻文選正文卷之七

門人 伊藤通久校

